

ԻՆՏԵՐԱԿՏԻՎ ԱՌԵՒՏՐԱՅԻՆ ՀԱՐԹԱԿՆԵՐՈՎ «ԱՄԵՐԻԿԱԲԱՆԿ» ՓԲԸ (ԲՐՈՔԵՐ) ԿՈՂՄԻՑ ԲՐՈՔԵՐԱՅԻՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ԸՆԴՀԱՆՈՒՐ ՊԱՅՄԱՆՆԵՐ

1. ԿԻՐԱՌՎՈՂ ՀԱՍԿԱՑՈՒԹՅՈՒՆՆԵՐԻ ՍԱՀՄԱՆՈՒՄՆԵՐ

1.1 Սույն պայմաններում օգտագործվող հասկացությունները ունեն հետևյալ նշանակությունը:

ԱՀ (Առևտրային համակարգ)՝ ցանկացած կարգավորվող շուկա և արժեթղթերի/աժանցյալների առևտրի կազմակերպման համար ներգրավված այլ միջոց, կազմակերպություն կամ համակարգ, որը որոշակի կանոնների համաձայն ապահովում է արժեթղթերի առքուվաճառք և դրա արդյունքում փոխադարձ պարտավորությունների հաշվարկներ, քիրինգ/գուտացում և վերջնահաշվարկ իրականացնելու հնարավորություն և միջոցներ:

ԱՀ կանոններ՝ Բրոքերի կողմից սույն պայմանների համաձայն բրոքերային ծառայությունների մատուցման համար օգտագործվող ԱՀ-ի գործող ներքին կանոններ, ընթացակարգեր, քաղաքականություն, կարգադրություններ, կանոնակարգեր, որոնց կատարումը պարտադիր է այդ համակարգի անդամների կամ դրանից օգտվող այլ անձանց համար:

Առևտրային նստաշրջան՝ ժամանակահատված, որի ընթացքում ԱՀ կանոնների համաձայն տվյալ ԱՀ-ում տեղի է ունենում արժեթղթերի/աժանցյալների առևտուր:

Աժանցյալ՝ համաձայն Օրենքի 3-րդ կետով սահմանված աժանցյալ գործիք սահմանմանը:

Արժեթուղթ՝ համաձայն Օրենքի 3-րդ կետով սահմանված աժանցյալ գործիք սահմանմանը, բայց սույն պայմանների իմաստով՝ նաև Աժանցյալ:

Արժույթ (արտարժույթ)՝ որևէ պետության կամ պետությունների համախմբում օրինական վճարամիջոց համարվող դրամային արժեքներ:

Բրոքեր՝ «Ամերիաբանկ» ՓԲԸ

Գործակալ՝ անձ (այդ թվում Համակարգի օպերատորը), որի ներգրավմամբ և միջնորդական ծառայություններից օգտվելու միջոցով՝ Բրոքերը մատուցում է Ծառայությունները Հանախորդին: Գործառնական օր՝ ցանկացած աշխատանքային օրվա 09<sup>30</sup>-ից 20<sup>00</sup>, երբ Բրոքերը իրականացնում է գործառնություններ:

Գործարք Արժեթղթերով և Արժույթով գույքային իրավունքների օտարման և ձեռքբերման գործարքներ, որոնք կատարվում են Հանձնարարականների հիման վրա՝ ցանկացած ԱՀ-ում՝ համապատասխան ԱՀ կանոնների համաձայն կամ ԱՀ-ից դուրս:

Ոչ բավարար ծածկույթով գործարքներ՝ գործարքներ, որոնց կատարման Հանձնարարականը Բրոքերը ընդունում է Հանախորդից և հաղորդում է երրորդ անձանց ի կատարում, այդ թվում՝ Համակարգի միջոցով), որոնց վերաբերյալ համապատասխան Հանձնարարականը ներկայացնելու պահին Հանախորդի հաշվին առկա չեն դրանով նրա պարտավորությունները ամբողջությամբ կատարելու համար անհրաժեշտ Միջոցներ և այդ Միջոցները պայմանականորեն կամ իրականում հասանելի են դարձվում Հանախորդի համար Գործակալների կողմից՝ հնարավոր դարձնելով համապատասխան Գործարքի կնքումը:

Գործարքի էական պայմաններ՝ արժեթղթերի տեսակը և թողարկողը (կամ վերջինիս տարբերակիչ ծածկագիրը), գործարքի տեսակը (արժեթղթի առք, վաճառք, աժանցյալով Հանախորդի իրավունքների իրականացման գործարք, բաժանորդագրության պատվեր, ռեպո, հակադարձ ռեպո), Հանձնարարականով կատարման ծավալը (արժեթղթերի/քանակը), միավոր արժեթղթի գնման/վաճառքի/կատարման գնային սահմանափակումները (եթե պատվերը շուկայական չէ):

Դիրք կամ բաց դիրք՝ Գործարքներով Հանախորդի պահանջների ու պարտավորությունների կշիռ՝ արտահայտված արժույթով կամ արժեթղթերով, որը հավասար չէ գրոյի:

Հանձնարարական՝ Հանախորդի կողմից Բրոքերին ներկայացվող և Հանախորդի Միջոցների հաշվին Բրոքերի կողմից երրորդ անձանց ի կատարում հաղորդման համար հիմք հանդիսացող փաստաթուղթ, էլեկտրոնային կամ ձայնային հաղորդագրություն, որի նպատակը Հանախորդի կողմից Արժեթղթերի օտարումը կամ ձեռքբերումն է:

Հաղորդագրություն՝ ցանկացած տեղեկատվության առաքում, փոխանակում, ծանուցում, Հանձնարարականի ներկայացում, որ տեղի է ունենում Հանախորդի և Բրոքերի Պայմանագրի շրջանակներում:

Հանախորդի հաշիվ՝ կամ Բրոքերային հաշիվ՝ Համակարգի օպերատորի կողմից Համակարգում բացվող, վարվող և սպասարկվող հաշիվ, որում հաշվառվում են Համակարգի միջոցով ձեռք բերված Արժեթղթերը և/կամ դրանց ձեռքբերման համար նախատեսված կամ դրանց օտարումից կամ դրանցից բխող իրավունքների իրականացման արդյունքում ստացված արժույթային արժեքները:

Համակարգ՝ Համակարգի օպերատորի կողմից գործառնական կառավարման ներքո գտնվող Գործարքների կնքման հնարավորություն ընձեռող էլեկտրոնային. ցանցային, ինտերնետ գործիք հանդիսացող ծրագրային փաթեթ, հավելված՝ համապատասխան ինտերֆեյսով, որին հասանելիության ապահովումը Հանախորդին ծառայությունների մատուցման տեխնիկական միջոց է և որի միջոցով Հանախորդների հնարավորություն է ընձեռվում ինքնուրույն գործողություններով ի կատարում հաղորդման համար ներբեռնել Գործարքների կնքման Հանձնարարականները:

Համակարգի օպերատոր՝ Համակարգի օպերատոր՝ անձ, որը պատասխանատու է Համակարգի ծրագրային ապահովման, գործարկման, կարգաբերման, Համակարգում հաշիվների բացման և սպասարկման, առևտրային գործիքների և ինտերֆեյսի ապահովման և Համակարգի ֆունկցիոնալ այլ տարրերի համար:

Պայմանագիր՝ Հանախորդի և Բրոքերի միջև կնքվող «էլեկտրոնային առվտրային տերմինալի միջոցով արժեթղթերով գործարքներ կնքելու հանձնարարականներ հաղորդելու ծառայությունների մատուցման վերաբերյալ պայմանագիր», որի անբաժանելի մասն են կազմում սույն պայմանները: Սույն պայմաններում «Պայմանագիր» բառի (հասկացության) օգտագործումը չի ներառում սույն պայմանները:

Միջոցներ՝ դրամ (ցանկացած արժույթի) և Արժեթղթեր, որոնք Հանախորդը տրամադրել է Համակարգի օպերատորին իր Հանձնարարականների կատարման և Վերջնահաշվարկի ապահովման նպատակով կամ որոնք առաջացել են (ստացվել են) հանախորդի Հանձնարարականները կատարվելու արդյունքում և հաշվառվում են Համակարգի օպերատորի կողմից սպասարկվող հաշիվներում:

Կիրառվող իրավունք՝ այն երկրի օրենքները և համապարտադիր բնույթ կրող այլ իրավական ակտերը, որոնք տարածվում են ի կատարումն Պայմանագրի և սույն Պայմանների Բրոքերի կողմից իրականացված գործողությունների նկատմամբ :

Վերջնահաշվարկ՝ գործարքի կատարման ժամկետի լրացման կապակցությամբ փոխադարձ պարտավորությունների կատարում դրանց կատարման ժամկետին, որն իր կատարման կարգով հանդերձ սահմանված է տվյալ գործարքի կնքման գործող պայմաններով:

Օրենք՝ «Արժեթղթերի շուկայի մասին» ՀՀ օրենք:

- 1.2 Սույն պայմաններում օգտագործվող այլ հասկացությունները, սահմանված չլինելու դեպքում, ունեն Պայմանագրում, Օրենքում և դրա հիման վրա ընդունված այլ իրավական ակտերում սահմանված նշանակությունը, իսկ եթե այդպիսինը դրանցով սահմանված չէ՝ միջազգային գործարար սովորույթների համաձայն այդ հասկացություններին տրվող նշանակությունը, եթե այլ բան ակնհայտորեն չի բխում կոնկրետ հասկացության կիրառման մասնավոր դեպքից:

- 1.3 Եթե ակնհայտորեն այլ բան չի բխում սույն պայմանների որևէ դրույթի կոնկրետ համատեքստից դրանց դրույթների մեկնաբանության սկզբունքները հետևյալն են՝
- 1) Ցանկացած փաստաթղթի /ներառյալ, առանց սահմանափակման, Պայմանագիրը/վկայակոչումը, մեջբերումը կամ դրան հղումը ենթադրում է տվյալ փաստաթղթի գործող տարբերակին, ներառյալ բոլոր փոփոխություններն ու լրացումները մեջբերում, վկայակոչում կամ դրան հղում, եթե տվյալ վկայակոչման, մեջբերման կամ հղման մեջ չի արված հատուկ նշում ի հակառակը.
  - 2) կետերին բոլոր հղումները վերաբերում են սույն պայմանների կետերին, եթե չի արված հատուկ նշում ի հակառակը.
  - 3) գլուխների անվանումներն ունեն կողմնորոշիչ նշանակություն և չեն ազդում դրանց բովանդակության նշանակության վրա.
  - 4) եզակի թվով սահմանված հասկացություններն արտահայտում են նույնի հոգնակի թիվը ու հակառակը, եթե այլ բան չի բխում հասկացության կոնկրետ կիրառման դեպքից.
  - 5) ցանկացած անձին վկայակոչումը վերաբերվում է նաև ժամանակ առ ժամանակ նրան փոխարինող անձին, նրա ներկայացուցչին կամ իրավահաջորդին.
  - 6) «սույն պայմանագիր» բառի (հասկացության) օգտագործումը վերաբերում է Պայմանագրին՝ բոլոր հավելվածներով՝ ներառյալ սույն պայմանները.
  - 7) Պայմանագրում օգտագործվող «սույնով», «սույնում», «սույնի համաձայն», արտահայտությունները և նման նշանակություն ունեցող այլ բառերը վերաբերում են տվյալ դրույթը պարունակող կետին:

## 2. ՏԵՂԵԿՈՒԹՅՈՒՆՆԵՐ ԲՐՈՔԵՐԻ ՄԱՍԻՆ

- 2.1 Լրիվ անվանումը՝ «Ամերիաբանկ» փակ բաժնետիրական ընկերություն. կրճատ անվանումը՝ «Ամերիաբանկ» ՓԲԸ (սույն կանոններում՝ Բրոքեր):
- 2.2 Հասցեն՝ ՀՀ, ք.Երևան, 0015, Վազգեն Սարգսյան 2:
- 2.3 Էլեկտրոնային հասցեն՝ [office@ameriabank.am](mailto:office@ameriabank.am); ինտերնետային կայքը՝ [www.ameriabank.am](http://www.ameriabank.am), հեռախոսահամարը՝ 374 10 561111:
- 2.4 Բրոքերը բրոքերային ծառայությունների մատուցումը համատեղում է Օրենքով նախատեսված այլ տեսակի ներդրումային հիմնական և ոչ հիմնական ծառայությունների մատուցման և բանկային գործառնությունների հետ՝ Բանկային գործունեության լիցենզիայի հիման վրա:
- 2.5 Բրոքերը վերահսկվում է ՀՀ կենտրոնական բանկի կողմից, որը գտնվում է ք. Երևան, Վազգեն Սարգսյանի 6 հասցեում, հեռ՝ 583 841, կայք՝ [www.cba.am](http://www.cba.am), էլ. փոստ՝ [mcba@cba.am](mailto:mcba@cba.am):

## 3. ԸՆԴՀԱՆՈՒՐ ԴՐՈՒՅԹՆԵՐ

- 3.1 Սույն պայմաններում փոփոխությունները և լրացումները կատարվում են բանկի կողմից միակողմանիորեն՝ այդպիսի փոփոխությունից կամ լրացումից հետո փոփոխության/լրացման մասին Հանախորդին ծանուցելու պայմանով: Հանախորդի համար տվյալ փոփոխությունը ուժի մեջ է մտնում փոփոխության վերաբերյալ ծանուցումը ստանալու օրվան հաջորդող 11-րդ օրը:
- 3.2 Պահպանելով հանախորդի նկատմամբ իր ֆիդուցիար պարտականությունները՝ Բրոքերը սույն պայմանագրի համաձայն ծառայություններ մատուցելիս առանց Հանախորդի համաձայնության կարող է օգտվել երրորդ անձանց, այդ թվում Համակարգի օպերատորի ծառայություններից:

## 4. ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՊԱՅՄԱՆՆԵՐ

- 4.1 Բրոքերը Հանախորդի հանձնարարականները Համակարգի միջոցով հաղորդում է երրորդ անձանց ի կատարում: Հանձնարարականները կատարվում են միայն այն դեպքերում, երբ Հանախորդի հաշվում առկա են այդ Հանձնարարականների համաձայն կատարվող գործարքով Վերջնահաշվարկ կատարելու համար բավարար Միջոցներ, բացառությամբ Ոչ բավարար ծածկույթով գործարքի

- կնքման Հանձնարարականների, որոնց կատարման պայմանները կարգավորվում են Հաշվի պայմանագրով՝ պայմանով որ Հանախորդը հանդիսանում է պրոֆեսիոնալ հաճախորդ:
- 4.2 Հանձնարարականի կատարումը ամեն դեպքում կարող է մերժվել Հաշվի պայմանագրով սահմանված դեպքերում՝ Համակարգի օպերատորի կողմից:
- 4.3 Բրոքերային ծառայություններից օգտվելիս Հանախորդը պարտավոր է՝
- 1) Բրոքերին անմիջապես տեղեկացնել Բրոքերային պայմանագրով և սույն պայմաններով ներկայացված տեղեկություններում/փաստաթղթերում ներառված տվյալների ցանկացած փոփոխության վերաբերյալ՝ այդպիսի փոփոխությունից հետո 2 աշխատանքային օրվա ընթացքում:
- 4.4 Հանախորդը ընդունում է, որ Հանձնարարականներով ձեռքբերման ենթակա արժեթղթերի շրջանակը, Գործարքների ծավալները, Գործարքներով Հանձնարարականների համակարգ մուտքագրելու վերջնաժամկետները սահմանափակվում են նշված Գործարքների կատարումը ապահովող Գործակալների (այդ թվում՝ Համակարգի օպերատորի) և ԱՀ-ների կողմից սահմանված արժեթղթերի ցանկով, ծավալային սահմանափակումներով/սահմանաչափերով և Հանձնարարականների ներկայացման/կատարման ժամկետային սահմանափակումներով:
- 4.5 Աժանցյալներով Բրոքերային ծառայությունները մատուցվում են համապատասխան Աժանցյալների առևտուր կազմակերպող ԱՀ-ների և Գործակալների կողմից սահմանված պայմանների համաձայն և դրանց կողմից սահմանված սահմանափակումները հաշվի առնելով:
- 4.6 Սույն պայմաններով մատուցվող Բրոքերային ծառայությունների ընթացքում անհրաժեշտ պահառուական և վճարահաշվարկային գործողությունները, Հանախորդի հաշիվներով գործառնությունները, Վերջնահաշվարկը, Հանախորդի հաշիվների սպասարկումը և արժեթղթերի ու աժանցյալների պահառությունը իրականացնում է Համակարգի օպերատորը՝ Հանախորդի պայմանագրով սահմանված կարգով և Բրոքերը այս հարաբերությունների մասով որևէ պարտավորություններ չի ստանձնում:

## 5. ԲՐՈՔԵՐԻ ՎԱՐՁԱՏՐՈՒԹՅՈՒՆԸ

- 5.1 Սույն պայմանների համաձայն մատուցվող ծառայությունների դիմաց Բրոքերը հաճախորդից գանձում է պարգևավճար ըստ Պայմանագրի Հավելված 1-ով սահմանված Բրոքերային ծառայությունների մատուցման սակագների (Սակագներ):
- 5.2 Պայմանագրի Հավելված 1-ով սահմանված սակագները կարող են միակողմանիորեն փոխվել Բրոքերի կողմից և ուժի մեջ են մտնում Հանախորդին այդ փոփոխության մասին ծանուցելու կամ Բրոքերի պաշտոնական ինտերնետային կայքում հրապարակելու օրվան հաջորդող 11-րդ օրը:
- 5.3 Հանախորդը պարտավոր է նաև հատուցել Բրոքերի կողմից Հանախորդի Հանձնարարականների կատարման և ի կատարում հաղորդման հետ կապված գործառնական ծախսերը, որոնք կարող են առաջանալ Բրոքերի կողմից երրորդ անձանց ներգրավմամբ գործարքներ կնքելու և վերջնահաշվարկ ապահովելու անհրաժեշտությունից, մասնավորապես՝ ԱՀ-ների և Բրոքերի Գործակալների (այդ թվում Համակարգի օպերատորի) կողմից Բրոքերից գանձվող վճարներ (բացառությամբ Գործակալների հետ կնքված պայմանագրերով սահմանված սակագներով գանձվող մշտական և սովորական միջնորդավճարների) և այլն, որոնք տարբեր են՝ կախված ԱՀ-ից, գործարքի տեսակից, ծավալից և այլ հանգամանքներից: Նման ծախսերը չեն ներառվում Պայմանագրի Հավելված 1-ում սահմանված սակագներում: Հանախորդին ներկայացվող հաշվետվություններում արտացոլվում են թե՛ նշված ծախսերը և թե՛ դրանց հատուցման համար Բրոքերի կողմից իրականացված գանձումներն ու պահումները:
- 5.4 Եթե Բրոքերը օրենքի համաձայն պարտավոր է իրականացնել Հանախորդի հարկային գործակալի գործառնությունները, ապա գանձում և փոխանցում է Հանախորդի կողմից վճարման ենթակա համապատասխան հարկերը:

- 5.5 Սույն պայմաններում և Պայմանագրում նշված վճարները, ծախսերի հատուցումները, տոկոսները, տույժերն ու տուգանքները և Հանախորդի՝ Բրոքերի նկատմամբ ցանկացած այլ տեսակի պարտավորությունների գումարները Բրոքերը՝ եթե չի ստանում Համակարգի օպերատորից, ապա իրավունք ունի անակցեպտ կարգով գանձել դրանք Հանախորդի Բրոքերի մոտ սպասարկվող բանկային հաշիվներից (և սույնով Հանախորդը համաձայնում և տալիս է իր անհետկանչելի հանձնարարականը այդպիսի գանձման համար), իսկ Հանախորդը պարտավոր է ապահովել համապատասխան միջոցների առկայությունը նշված հաշիվներին: Եթե Հանախորդի բանկային հաշիվներում առկա չեն բավարար ազատ միջոցներ Բրոքերի նկատմամբ իր վճարային պարտավորությունները կատարելու համար, ապա Բրոքերը իրավունք ունի բռնագանձում տարածել Հանախորդի այլ գույքի վրա:
- 5.6 Հանախորդի կողմից համապատասխան պահանջ ներկայացնելու դեպքում Բրոքերը մատնանշում է այն աղբյուրները, որոնցից կարելի է տեղեկություններ ստանալ 5.3. կետում նշված ծախսերի վերաբերյալ:

## 6. ՀԱՇՎԵՏՎՈՒԹՅՈՒՆՆԵՐ

- 6.1 Բրոքերը էլեկտրոնային եղանակով Հանախորդին ներկայացնում է ընթացիկ (ըստ յուրաքանչյուր գործարքի) և պարբերական (ամսեկան) հաշվետվություններ՝ Հանախորդի սույն պայմանագրի հիման վրա Համակարգում կնքված գործարքների վերաբերյալ՝ ընդ որում եթե հանախորդը հատուկ չի պահանջում դրանց ներկայացում էլեկտրոնային փոստով, ապա դրանք ներկայացվում են Համակարգի միջոցով:
- 6.2 Բրոքերը Հանախորդին 6.1 կետում նշված բովանդակությամբ հաշվետվությունները առաքում է՝
- 1) ամսեկան հաշվետվությունը՝ մինչև հաշվետու ամսին հաջորդող ամսվա 15-ը :
  - 2) ընթացիկ (ըստ յուրաքանչյուր գործարքի) հաշվետվությունը՝ մինչև գործարքի կնքմանը հաջորդող Գործառնական օրվա ավարտը, բացառությամբ Առևտրային համակարգի միջոցով ստացվող հաշվետվությունների, որոնք կարող են տրամադրվել ավելի ուշ (սակայն առաջին իսկ հնարավորության դեպքում)՝ համակարգի խափանման կամ պայմանների փոփոխման արդյունքում:
- 6.3 Բրոքերը Հանախորդին 6.1 կետում նշված բովանդակությամբ հաշվետվություն առաքում է նաև ըստ Հանախորդի պահանջի՝ դրանում նշված ժամանակահատվածի կտրվածքով՝ այդպիսի պահանջ ներկայացնելու օրվան հաջորդող 3 օրվա ընթացքում: Ամսեկան ըստ պահանջի մեկ հաշվետվություն հանախորդին ներկայացվում է անվճար:
- 6.4 Ամսեկան Հաշվետվությունը համարվում է ընդունված, եթե Հանախորդը այն ստանալուց հետո 5 օրվա ընթացքում գրավոր չի առարկում դրա բովանդակության վերաբերյալ: Ընթացիկ հաշվետվությունը համարվում է ընդունված, եթե հանախորդը այն ստանալուց հետո երկու աշխատանքային օրվա ընթացքում չի առարկում դրա բովանդակության վերաբերյալ:

## 7. ՏԵՂԵԿԱՏՎՈՒԹՅԱՆ ՓՈԽԱՆԱԿՄԱՆ ԵՎ ՀԱՂՈՐԴԱԿՑՈՒԹՅԱՆ ԼՐԱՑՈՒՑԻՉ ՊԱՅՄԱՆՆԵՐ

- 7.1 Հանձնարարականները ընդունվում են ի հաղորդում կատարման համար բացառապես Համակարգի միջոցով:
- 7.2 Փաստաթղթաշրջանառությունը և տեղեկատվության փոխանակումը իրականացվում են հայերեն լեզվով, բացառությամբ Համակարգի միջոցով ստացվող և փոխանցվող տեղեկատվության, որը անգլերեն է:

## 8. ՊԱՏԱՍԽԱՆԱՏՎՈՒԹՅՈՒՆ

- 8.1 Կողմերը պատասխանատվություն են կրում Պայմանագրում նշված իրենց երաշխիքների և հավաստիացումների արժանահավատության համար և պարտավոր են հատուցել մյուս կողմին այդպիսի երաշխիքների և հավաստիացումների՝ իրականությանը չհամապատասխանելու արդյունքում պատճառված վնասը: Կողմերը ազատվում են սույն պայմանագրով իրենց պարտականությունների չկատարման կամ ոչ պատշաճ կատարման համար պատասխանատվությունից, եթե դրա պատճառ է հանդիսացել մյուս կողմի երաշխիքների և հավաստիացումների իրականությանը չհամապատասխանելը: Յուրաքանչյուր կողմ պարտավորվում է հատուցել երրորդ կողմին պատճառված ցանկացած վնաս, եթե այդ վնասը առաջանալու պատճառներից է հանդիսացել Պայմանագրում նշված երաշխիքների և հավաստիացումների՝ իրականությանը չհամապատասխանելը:
- 8.2 Բրոքերը պատասխանատվություն չի կրում երրորդ անձանց, այդ թվում՝ գործարքների կնքման գործընթացում Բրոքերի կողմից ներգրավված Գործակալների և/կամ Հանախորդի Միջոցները հաշվառելու և հաշիվներ սպասարկելու համար որպես պահառու և բանկ, բրոքեր ընտրված անձանց (այդ թվում Համակարգի օպերատորի) անվճարունակության կամ սնանկության, ինչպես նաև նրանց կողմից գործարքներով պարտավորությունների չկատարման կամ ոչ պատշաճ կատարման հետևանքով Հանախորդին պատճառված վնասի համար:
- 8.3 Հանախորդը պարտավորվում է հատուցել Բրոքերի կրած ցանկացած վնաս, որը արդյունք է հանդիսացել Պայմանագրի և սույն պայմանների համաձայն Բրոքերի կողմից ծառայությունների մատուցման շրջանակներում երրորդ անձանց կողմից Բրոքերին ներկայացված պահանջների բավարարման: Հանախորդը ազատվում է պատասխանատվությունից միայն այն դեպքում, եթե այդպիսի պահանջների հիմք են հանդիսացել Բրոքերի՝ Հանախորդի գործողություններով, այդ թվում՝ Հանձնարարականներով չպայմանավորված անիրավաչափ գործողությունները:
- 8.4 Հանախորդի Հանձնարարականներով կատարված գործարքների մյուս կողմի կողմից այդ գործարքով իր պարտավորությունները չկատարելու կամ ոչ պատշաճ կատարելու ռիսկը կրում է Հանախորդը, իսկ Բրոքերը հավաստում է, որ ջանքեր կգործադրի՝ պատշաճ կատարում պահանջելու հարցում ողջամիտ ծվարով աջակցություն ցուցաբերելու համար, սակայն նշվածի վերաբերյալ սույնով ոչ մի երաշխիք չի տալիս և պարտավորություն չի ստանձնում:
- 8.5 Բրոքերը պատասխանատվություն չի կրում նաև այն դեպքերում, երբ Հանձնարարականը կամ այլ հաղորդագրությունը իրեն առաքվել է Հանախորդի անունից, սակայն դրա լիազորությունը չունեցող երրորդ անձանց կողմից Մինչև համապատասխան ծանուցում ստանալը Հանախորդի անունից Հանձնարարական ներկայացնողի կողմից ներկայացված տվյալների և Հանախորդին անհատականացնող տվյալների համապատասխանության դեպքում Հանձնարարականը համարվում է ներկայացված Հանախորդի իրավասու անձի կողմից և Բրոքերը դրանք դիտարկում է որպես իրավասու անձի կողմից ներկայացված՝ պատասխանատվություն չկրելով Հանախորդի առջև իրավունություն չունեցող անձանց կողմից անհատականացնող տվյալների գիտությամբ և օգտագործմամբ Հանձնարարականները ներկայացնելու և դրանք կատարվելու արդյունքում Հանախորդի կրած կորուստների համար: Բրոքերը պատասխանատվություն չի կրում ԱՀ-ների գործողությունների կամ անգործության արդյունքում, ինչպես նաև գործարքի կողմ հանդիսացող անձանց կողմից Հանախորդի Միջոցներով վերջնահաշվարկի չկայացման կամ ոչ պատշաճ իրականացման համար՝ անկախ դրա պատճառներից, ինչպես նաև ցանկացած բնույթի տեխնիկական խափանումների (այդ թվում այն դեպքերում, երբ ծառայությունները մատուցվում են Հանախորդին Համակարգերի միջոցով և տեղի է ունենում համակարգի ցանկացած տեխնիկական խափանում) արդյունքում Հանախորդին պատճառված վնասի համար, եթե չի ապացուցվում որ այդպիսի խափանումները և վնասը տեղի են ունեցել Բրոքերի դիտավորությամբ տեղի ունեցած գործողությունների արդյունքում:

9.1 Սույն պայմանները, լինելով Պայմանագրի անբաժանելի մասը, Հանախորդի համար ուժի մեջ են մտնում Պայմանագիրը ուժի մեջ մտնելու պահից և գործում են մինչև Պայմանագրի գործողության դադարումը:

Ամսաթիվ՝  
Հանախորդ՝

Ստորագրություն (կնիք) \_\_\_\_\_